

元初八

松雲荷集下



松雪齋詩集

元趙孟頫

子昂甫

籍保著

明潘是仁

訥叔甫

輯校

五言律詩

春寒

夜雨鳴高枕春寒入敝袍時光自花柳吾意豈蓬蒿
失色黃金盡知音白雪高山林隱未得空覺此生勞

雪後同子俊遊何山次韻四首

松雪齋五律

周有

同是清閒客俱爲放浪遊晴山依雪壯野水帶冰
流風急松杉亂年登薺麥收生涯雖未老吾欲覓
菟裘

步履行危磴憑闌得妙峯鳥飛迷故道人去想遺
蹤掩冉風前竹支離澗底松山僧飯不足不是忘
鳴鍾

兵革時猶動山林日就荒子真思隱遁詹尹卜行
藏有意隨三飯無人饋五漿遠山湖外白立馬見
微茫

湍駛波翻雪風生地出雷薄醪隨意盡寒氣逼人
來更欲明朝去何妨追暮回自憐非李廣醉尉勿
相猜

早春

谿上春無賴清晨坐水亭草芽隨意綠柳眼向人
青初日收濃霧微波亂小星誰歌采蘋曲愁絕不
堪聽

重遊弁山

出郭聞鶯語穿林散馬蹄澗松何鬱鬱春草又萋

松雪齋五律 卷三
萋白石那堪煮丹崖倘可梯平生愛高興只合此
幽棲

竹色迷行逕松聲洶座隅水清花自照風暖鳥相
呼飲罷思棋局歌長缺唾壺重來瀟洒地聊足慰
須臾

魚樂樓

樓下南來水清冷百尺深菰蒲終夜響楊柳半谿
陰日月驅人世江湖動客心向來歌舞宴達曉看
橫叅

秋夜

草蔓行多露虫聲報早秋明河斜未轉大火已西
流欲作傳杯飲誰能秉燭遊清晨拂鞍馬適野擬
消憂

次韻陳無逸中秋月食風雨不見

谿月當圓夜看雲起莫愁曾陰連積水伏雨暗清
秋白壁難容玷明珠不可求每因觀節物轉覺此
生浮

獨夜

生事恰吾拙懷人阻道修角聲悲靜夜燈影伴幽
憂水落紅衣老夫寒翠袖愁雲中有過鴈哀叫亦
何求

次韻子山登樓有感

西北高樓好登臨望眼空弁山橫雨外笠澤浸天
東計乏千金藥羞看百鍊銅只應將世事都付酒
杯中

懷古情何極登危氣尚雄江山一時勝宇宙百年
中翠袖愁空谷綈袍受朔風超然高舉意久背送

飛鴻

聞角

吹角秋風裏邊聲入暮雲抑揚如自訴哀怨不堪
聞老馬行知道孤鴻飛念羣祗今霸陵尉那識舊
將軍

次韻馮伯田秋興

搖落故園秋谿山處處幽無錢頻貰酒多病倦登
樓文采陶彭澤丹青頤虎頭誰能混流俗浩蕩一
浮漚

風緊草木變露寒沙水清蕭蘭嗟共悴題鳩忍先
鳴黃閣非吾事青山不世情浩歌聊感激裘馬任
肥輕

興逐秋風發愁隨秋夜長繫書陽鳥遠促織候虫
忙世已無劉表家徒有孟光故衣寒未補發篋動
幽香

本齋先生挽詩

昔我先君子交遊半老儒詞林宗匠在制閫輔臣
須晚節風塵際閑居歲月徂謬稱詩賦善深痛典

刑無

德邵龜齡邁神全鶴髮春管寧安皂帽龔勝謝蒲
輪小楷名空在遺言意更親平生知己恨淚落雪
溪濱

贈權季玉兼簡李順甫

幕府文書靜湖山春事多風烟歸逸興花鳥助高
歌自愧諸生後其如二妙何卜鄰應有日退食數
相過

奉和帥初兄將歸見簡

戴子文章伯不為時所知朱紘非眾聽白璧易羣
疑海樹生秋早江船度越遲莫愁千里別要作百
年期

我坐幽憂疾非君誰與娛清談忘日夜高論到唐
虞天地無青眼江湖有白頭客居寧鬱鬱歸興託
尊鱸

送楊幼澄教授歸江西兼寄吳幼清

客裏相從久愁中欲別難此行登仕版未覺負儒
冠北度憐江總東歸憶幼安著書應滿屋妙處共

誰看

送李青甫由御史出按四川

蜀道青天上繡衣驄馬行霜威御史府春色錦官
城萬里平 報三年菽水清相逢一杯酒似為別

離傾

送劉伯常淮東都事

久客倦遊甚思歸勞寸心之子復南邁欲別
陰蕭條楚山遠渺瀰淮水深夢中不可到何用解
愁襟

晉公子奔狄圖邀端父御史同賦

杌隍居蒲日艱難奔狄時天方興伯者數子實從
之歲久丹青暗人賢簡冊悲至今綿上路猶憶介
之推

題米元暉山水

卧遊渺萬里楚天清曉秋初日江上出白雲山際
浮莽蒼迷烟樹隱約見孤舟丹青不可作思子徒
離憂

送張仲實還杭州

張子早英發哦詩遺垢氛瘦骨暎秋水青眼視晴
雲黃公酒壚側王令爲書裙相望苦不遠何用惜
離分

食粥

杲杲西流日滔滔東逝波春光薊丘晚柳色上林
多不道含香賤其如食粥何明時無小補郎署謾
蹉跎

酬衛處士見贈

之子有道氣山居詩興多琴清鶴自舞林靜鳥能

歌未遂携家隱深慙輟棹過他年從杖履養壽向
岩阿

大司農侯公挽詩

理學推高第清朝位列卿政聲先日著經術莫年
精乍識俄離逝方閑遽隕傾重爲天下惜涕淚落
縱橫

和周景見寄二首

四海多兄弟交情子獨親方將尋艤艫何意畫麒
麟簿領淹豪士江湖著散人相看俱老大喜見二

毛新

止酒陶彭澤能書王右軍逃禪寧辟俗感舊惜離
羣澤國茫茫水霜空黯黯雲爲農投老去北望隱
思君

奉

隆福召命赴都過德清別業

驟喧氣候變幽園卉物淒山雲石上起春鳥雨中
啼牽衣憐稚子舉案愧山妻苦被虛名累未得遂
高棲

謝日林贈湖石次其韻

怪石曾聽法未從不二門玲瓏浮磬韻斑駁古苔
痕池月岩邊上春雲水面屯微尔能輒贈此意向
誰論

筇竹杖贈天聖長老仁公仁有詩次其韻

瘦節蒼骨聳臙膚黃玉溫苔間時卓地月下屢敲
門持贈松廬老携尋水竹村歸來倚空壁夜氣與
俱存

胡穆仲先生挽詩

我有三益友對之如古人布衣其陋巷書冊老遺
民淚落黔婁被神傷郭泰巾請為千字誄書刻上
堅珉

贈永清曹顯祖縣尹

赤縣郎官宰清朝學士班雲端雙履冷花底一琴
閒鴻鵠宜天路騏驎近
帝關會當從此召豈待及瓜還

贈鄭之僑

我有故人子少年能綴文偏工吟九日已解賦凌

雲落落駒千里昂昂鶴出羣却憐吾老矣鬚髮白
紛紛

來鶴亭

客遊真館日鶴來玄圃時援筆二大字欣然千載
期長鳴松月照屢舞竹風吹天路何寥廓吾與尔
同之

大都遇平江龍興寺僧閒上座話唐綦毋潛
宿龍興寺詩因次其韻

聞說龍興寺多年未款扉風林發松籟雨砌長苔
衣殿古燈光定房深磬韻微秋風動歸興一錫向
空飛

李太白酒樓

城迥當平野樓高屬莫陰謫仙何俊逸此地昔登
臨慷慨空懷古徘徊獨賞心嶧山明望眼百里見
遙岑

送濯伯玉雲南省都事

萬里雲南路青山落照邊省郎新紫綬幕府舊紅
蓮見面嗟吾晚觀文覺子賢只應清淑氣不受瘴

溪烟

題趙敬父侍御祖德詩

弃子抱兄子古來聞鄧攸賢哉趙氏母盛德邁前
修陰隲理須復高門慶自流詵詵庭下玉簪笏盡
公侯

獲周豐鼎見博古圖第三卷銘六字

豐鼎制特小周人風故淳摩挲玉質潤拂拭翠光
勻鑄法觀來妙銘文考更真平生薦好古對此興
彌新

贈劉節軒侍御

驄馬人皆避沙鷗意獨閒

天恩霑贈典泉壤慰慈顏樂在簞瓢外春生杖履
間閒閒且行樂但恐趣朝班

雨

撼撼衆葉響滋滋生意新知誰實揮酒解使盡圓
勻蛛網懸珠絡荷盤瀉汞銀喜涼生枕簟愁潤逼
衣巾

寄題陸振之與閒堂

一閒天所與萬事世從疎名教有樂地安心為廣
居林間聽啼鳥濠上看遊魚意適無餘想時還讀
我書

次韻觀復表兄見簡

寒雨何時已停雲不肯開難陪山簡醉空憶謫仙
才梅蕊枝枝發幽禽日日來可能無過我真復要
詩催

載酒無人到山齋晝掩門泥深妨步履雨暗只空
村每憶文園渴難忘北海尊何當來就飲聽我撫

桐孫

故兩浙運使李公挽詩

昔我閒居日公來作守時救廬曾寓止暇日每娛
嬉篆籀傳書法絃歌送酒卮情親自茲始歲晚辱
深知

白髮儀刑老清朝侍從班理財羞聚斂治郡已恫
瘝卧疾留南久招魂竟北還向來漳水道淚落郭
西山

松雪齋詩集

松雪齋詩集

元趙孟頫 子昂甫 著

明潘是仁 訥叔甫輯校

七言律詩

和姚子敬秋懷五首

銅雀春深漢苑空
邯鄲月冷照秦宮
烟花樓閣西風裏
錦繡湖山落照中
河水南來非禹迹
冀方北去有唐風
溪城秋色催遲暮
愁對黃雲沒斷鴻
落日孤城動鼓鞞
愁中畫角不勝吹
山川簫瑟秋

雲淨草木凋傷暮雨悲多病馬卿聊暇日數奇李
廣不逢時卷簾白水青山外隱几無言有所思
搔首風塵雙短髻側身天地一儒冠中原人物思
王猛江左功名愧謝安苜蓿秋高戎馬健江湖日
短白鷗寒金尊綠酒無錢共安得愁中却暫歡
吳宮烟冷水空流慘澹風雲暗九秋禾黍故基曾
駐輦芙蓉高閣迥添愁繡楹錦柱蛟龍泣金杏瑤
階鹿豕遊宋玉平生最蕭索欲將九辨賦離憂
野曠天低木葉疎水清沙白鳥相呼胡笳處處軍

麾滿鬼哭村村漢月孤新亭舉目山河異故國傷
神夢寐俱黃菊欲開人卧病可憐三逕已荒蕪

聞擣衣

露下碧梧秋滿天砧聲不斷思綿綿北來風俗猶
存古南度衣冠不及前苜蓿揔肥宛腰裏琵琶曾
泣漢嬋娟人問俯仰成今古何待他年始惘然

登飛英塔

梯颺直上幾百尺俯視層空鳥背過千里湖山秋
色淨萬家煙火夕陽多魚龍衮衮危舟楫鴻鴈冥

公雪齋七律 卷四
冥避網羅誰種山中千樹橘側身東望洞庭波

題岳王墓

岳王墳上草離離秋色荒涼石獸危南渡君臣輕
社稷中原父老望旌旗英雄一歎嗟何及天下中
分遂不支莫向西湖歌此曲水光山色不勝悲

溪上

溪上春風吹柳花溪頭春水淨無沙白鷗自信無
機事玄鳥猶知有歲華錦纜牙樯非昨夢鳳笙龍
管是誰家令人苦憶東陵子擬問田園學種瓜

次韻剛父無逸遊南山作

絕頂清秋凌翠烟登臨應費酒如川平生能着幾
兩屐負郭何須二頃田初日出雲光射地雙溪入
湖波接天升高望遠我所愛青壁有路何當緣

次韻子俊

歲云莫矣役車休蟋蟀在堂增客愁少年風月悲
清夜故國山川入素秋佳菊已開催節物扁舟欲
買訪林丘從今放浪形骸外何處人間有悔尤

次韻本齋先生卽事

重攬衣裘救更寬
徂年欲莫氣先寒
雨中百草難爲綠
霜後黃花尚耐看
千古清真耆舊傳
半生辛苦腐儒冠
便應築室山阿去
嘉與斯人賦考槃

次韻信仲晚興

蕭蕭殘照晚當樓
寒葉踈雲亂客愁
歲月蹉跎星北指
乾坤浩蕩水東流
古來人物俱黃土
少日心情在一丘
獨立無言風滿袖
青山相對共悠悠

次韻王時觀

相思吳越動經年
一見情深重惘然
草木變衰人

易老江湖牢落鴈
難前秦山半出青
天上禹穴遙臨古
道邊欲說舊遊渾
似夢何時重上剡
溪船

錢塘懷古

東南都會帝王州
三月鶯花非舊遊
故國金人泣辭漢
當年玉馬去朝周
湖山靡靡今猶在
江水悠悠只自流
千古興亡盡如此
春風麥秀使人愁

紀舊遊

二月江南鶯亂飛
百花浦樹柳依依
落紅無數迷歌扇
嫩綠多情妬舞衣
金鴨焚香川上暝
畫船搗

鼓月中歸如今寂寞東風裏把酒無言對夕暉

次韻章得一同原父姪遊蘭澤

綠樹閶闔草接天已愁春盡更聞鶉落花飛絮都
成恨痛飲狂歌渾欲顛起舞有人如謝尚著書無
意似伶玄繡筵寶瑟何時會割錦纏頭不計錢

見章得一詩因次其韻二首

水色青漣日色黃梨花淡白柳花香卽看時節催
人事更覺春愁惱客腸無酒難供陶令飲從人皆
笑酈生狂城南風暖遊人少自在晴絲百尺長

片片飛花欲送春其萋萋碧草正愁人黃蜂釀蜜經
營急紫燕銜泥來去頻才似茂陵非晚遇美如曲
逆不長貧久知求富都無益但喜論詩若有神

奉和帥初雨中見贈

陰雨淒淒生夏寒故人望望惜清歡停雲底事能
相阻后土何時可得乾無事甘爲犀首飲切雲聊
着屈平冠閉門客散且高卧戶外泥深沒馬鞍
正坐清談與世違交情如子定應稀圖書跌宕心
猶在裘馬清狂意已非黃鶴未知何日返飢鳥故

作傍人飛谿南流水清如玉終擬歸休理釣磯

次韻帥初

吳越相望三十年相逢意氣共翩翩長歌白石徒
爲尔遠訪丹砂亦偶然海氣昏昏雲拂地江風颯
颯雨連天他時別後相思處欲問山陰雪後船

多景樓

層顛官閣幾時修遶檻長江萬古流白露已零秋
草綠斜陽雖好莫雲稠平南籌策張華得治内人
才葛亮優景物未窮登覽興角城初起甕城秋

東陽八詠樓

山城秋色淨朝暉極日登臨未擬歸羽士曾聞遼
鶴語征人又見塞鴻飛西流二水玻璃合南去千
峯紫翠圍如此山川良不惡休文何事不勝衣

金陵雨花臺遂至故人劉叔亮墓

雨花臺上看晴空萬里風煙入望中人物車書南
北混山川襟帶古今同魚龍未蟄霜先殞
鳴江自東綠髮劉伶緣醉死往尋荒塚酌西風

蛾眉亭

天門日湧大江來牛渚風生萬壑哀青眼故人携
酒共兩眉今日為君開蒼崖直下蛟龍吼白浪橫
空鵝鸛迴南眺青山懷李白沙頭官渡苦相催

海上卽事

白水青林引興多紅裙翠黛奈愁何底從莫醉兼
朝醉聊復長歌更短歌輕燕受風迎落絮老魚吹
浪動新荷餘不溪上扁舟好何日歸休理釣蓑

贈周景遠田師孟

與子同客

帝王州一日不見如三秋風高氣肅鴈聲急天青
日暖蛛絲遊籬下黃花為誰好水邊紅樹令人愁
世間萬事可揆遣日日痛飲醉卽休

送李元讓赴行臺治書侍御史

粉署聯班僅一秋旦同趨省莫同休豈惟官事奔
忙共自覺吾儕氣味投驄馬只今登憲府白鷗何
日傍滄洲別離不似今朝惡南望令人生白頭

送劉天錫鎮守鄂州

將軍好武更敦書執戟多年衛

帝居扈蹕慣騎天育馬分符真食武昌魚弓刀行
色寒逾壯尊酒風流澹有餘江路梅花政堪折未
應便向故人踈

送繇秀才教授真州

聶生別我將安適言向真州作教官但使清風生
絳帳何妨朝日照空槃東園草木因人勝北固江
山隔岸看才近中年已傷別可堪南望送歸鞍

送闍子靜廉訪瀾西

翰林華蓋逼青冥憲節乘驄出

帝城海內文章歸渾厚瀾西民物望澄清姑蘇落
日荷花淨震澤秋風橘柚明憶向玉階承

聖語早歸黃閣慰蒼生

次韻左轄相公

昔年閭里自浮沉郎省那知遂有今老去馮唐堪
底用愁來莊叟向誰吟上林柳色春猶淺西塞桃
花水正深知已如今居鼎膺不應長此泣南音

次韻左轄相公奉寄行臺中丞徐公

盡日沉迷簿領書何時重得賦閒居已無夢想懸

金印豈有文章到石渠白髮故人霜栢在黃塵遊
子斷蓬如舊遊憶在吳興日自採溪毛膾白魚

送孟君復信州總管

君侯弱冠已專城未許甘終浪得名五馬人生直
足貴一毫寵辱不須驚暮雲去作江東客秋雨無
忘薊北情歌罷風前折楊柳離觴那忍爲君傾

李仲淵求其弟叔行萬竹高詩爲賦一首

聞君有弟多栽竹邀我題詩寄遠情翠碧飛來人
政靜鳳凰鳴集實初成江波倒影春雲合山月籠

陰夜氣清我亦有亭深竹裏也思歸去聽秋聲

至元庚辰繇集賢出知濟南暨還吳興賦詩

書懷

五年京國誤蒙恩乍到江南似夢魂雲影時移半
山黑水痕新漲一溪渾宦途久有曼容志婚娶終
尋向子言政爲踈慵無補報非干高尚慕丘園
多病相如已倦遊思歸張翰况逢秋鱸魚蓴菜俱
無恙鴻鴈稻粱非所求空有丹心依魏闕又携十
口過齊州閑身却羨沙頭鷺飛去飛來百自由

初到濟南

自笑平生少宦情，龍鍾四十二專城。
青山歷歷空懷古，流水泠泠盡著名。
官府簿書何日了，田園歸計有時成。
道逢黃髮驚相問，只恐斯人是伏生。

次韻端父和鮮于伯幾所寄詩

畫舸西湖到處游，別來飛夢到杭州。
百年底用憂千歲，一日相思似幾秋。
苦憶東南多勝事，空吟西北有高樓。
只今賴有劉公幹，時寫新詩解客愁。

送劉安道指揮副使還都兼寄李士安學士

昔來雨雪正霏霏，今去春鴻向北飛。
王事便應歌杖杜，家人未用歎蚬蜃。
據鞍橫槊軍威壯，把酒論文雅志違。
爲問瀛洲李學士，相思何故信音稀。

趵突泉

灤水發源天下無，平地湧出白玉壺。
谷虛久恐元氣泄，歲旱不愁東海枯。
雲霧潤蒸華不注，波濤聲震大明湖。
時來泉上濯塵土，冰雪滿懷清興孤。

繼鄭鵬南書懷

豈不懷歸苦未閑，宦情羈思不成歡。
可能治郡如

松雪齋七律卷四
龔遂只合臨流似幼安棋局懶從先處着醫方留
取用時看夜來夢到茗溪上一枕清風五月寒

驚秋

澤國西風一夜生故園喬木動秋聲山川滿目悲
搖落物色無心得老成下坂牛羊知故道親人魚
鳥近幽情向來豪氣消磨盡空對年光浪自驚

德清閑居

已無新夢到清都空有高情學隱居貧尚典衣貧
購書病思棄研厭求書圍人焚積夜防虎谿女叩

扉朝賣魚困卽枕書饑卽飯謀生自笑一何踈

題山堂

手種青松一萬栽山堂留得翠屏隈推窻綠樹排
簷入臨水紅桃對鏡開山雉雖迎朝日去野禽啼
傍夕陽來老妻亦有幽棲意數日遲留不肯回

和鄧善之九月雪

季秋驚見燕山雪遠客淹留愁病身顛顛自傷黃
菊晚橫斜空憶野梅春蒼松翠栢爭擎重紺殿紅
樓迥絕塵想得江南猶未冷嫩橙清酒政嘗新

海子上卽事與李子構同賦

小姬勸客倒金壺家近荷花似鏡湖遊騎等閒來
洗馬舞靴輕妙迅飛鳧油雲判污纏頭錦粉汗生
憐絡臂珠只有道人塵境靜一襟涼思詠風雩

重用韻

更從何處訪蓬壺花滿平堤水滿湖韓媽金丸落
飛鳥王喬仙履下雙鳧姬姜自愛千金貌遊俠輕
量一斛珠我老不知年少事水邊行散似春雩

次韻西雲長老贈周仲和

江南春水碧於天白鳥滄洲興渺然刺繡可能如
倚市力田終不似逢年幾因蓴菜懷張翰欲把丹
砂訪稚川才力如君強健在不妨沽酒醉花前

送杜伯玉四川行省都事

浣花溪上草堂存今見能詩幾代孫橘刺藤栢隱
藜竹椒漿桂酒薦芳蓀日長書省文書靜春近岷
江雪浪奔我向東吳君向蜀別離從古解銷覓

人日立春

今年人日與春並人得春來喜氣迎宮柳風微金

縷重御溝冰泮玉鱗生陰消已覺餘寒散陽長爭
看曉日明霜鬢絲幡渾不稱強題新句慰羈情

送岳德敬提舉甘肅儒學

苦欲留君君不以奮髯跨馬走甘州功名到手不
可避富貴逼人那得休春酒蒲萄歌窈窕秋沙首
肴飽驂騮儒冠也有封侯相萬里歸來尚黑頭

送蕭萬戶鎮閬州

錦屏山下蜀江清閬州城南春意生投壺今見詩
書帥樹羽遙連鼓角營遠戍固須煩將畧雜耕因

足見民情梅花到日應如雪折取繡枝一寄聲

留別潘王

珍重王門晚受知一年長恨曳裾遲分甌共酌人
參飲遶徑同看芍藥枝華屋焚香凝燕寢畫屏摘
句寫烏絲吳船萬里東南去采盡蘋花有所思

三日後再雪德昌復枉騎見過既而復和前

篇見贈輒亦次韻

夜深萬籟寂無聞曉看平階展素茵茗椀縱寒終
有韻梅花雖冷自知春使君磊落如天驥老我堆

歷似凍醜深愧閉門高卧客枉勞車騎已三巡
遊烏鎮次韻于瀨長老

澤國人煙一聚間時看華屋出林端已尋竹院心
源淨更上松樓眼界寬千古不磨唯佛法百年多
病只儒冠相逢已定詩盟了他日重尋想未寒

贈放煙火者

人間巧藝奪天工鍊藥燃燈清晝同柳絮飛殘鋪
地白桃花落盡滿階紅紛紛燦爛如星墮燿燿喧
厖似火攻後夜再翻花上錦不愁零亂向東風

挽洞霄章耕隱

黃髮蕭蕭瘦骨清每於談妙見高情瓊漿政欲分
丹鼎霞佩胡爲返赤城白鶴歸來華表在碧桃開
盡玉棺成師今此去哀難悼萬壑松風共此聲

題溫雪峯詩蹟

山擁旌麾一俊臣歸尋松竹作閑人龍蛇留遺人
間世泉石逍遙物外身自古神仙皆曠達由來豪
傑豈埃塵山川良是諸孫老華表歸來又幾春

次韻龐夷簡禮部

故山深處桂陰濃雲碓無人水自春玉友一尊爲
老伴木奴千樹當候封官途坎壈謀身拙病骨支
離觸事慵早掛一帆歸去好五湖烟景最情鐘

盧彥威用韻見贈亦復次韻

東籬紫菊露方濃西舍黃梁夜自春蕙帳夜空玄
鶴怨松門無鎖白雲封圖書老去心猶在朝市重
來意轉慵豈有高情齊隱逸政緣多病已龍鍾

論書

右軍瀟灑更清真落筆奔騰思入神裏鮮若能長

住世子鸞未必可驚人蒼藤古木千年意野草閑
花幾日春書法不傳今已久楮君毛穎向誰陳

寄題保定杜處士晚翠樓

樓外山光翠不如樓中美人老耽書一尊綠酒劉
伶醉幾點黃華陶令居虛曠自疑風月近孤高應
與世塵踈他時若到丹梯上當有清談一起余

贈張德玉

張君說易萬人誇幽贊神明斷不差動靜六爻雖
有象吉凶萬變本無涯河圖妙在縱橫用皇極曾

傳一倍加自笑已無疑可卜有疑來問爾西家

歲晚偶成

致君澤物已無由夢想田園雪水頭老子難同非
子傳齊人終困楚人咻濯纓久判隨漁父束帶寧
堪見督郵準擬新年棄官去百無拘繫似沙鷗

勝槩樓

樓下寒泉雪浪驚樓前山色翠屏橫登臨何必須
吾士嘯傲聊因得此生簷外白雲來託宿梁間紫
燕語關情濟南勝槩天下少試倚闌干眼自明

次韻杜浩卿詠所藏研

我生老研日相親手不能神謾苦心墨妙已無王
令帖詩窮空憶杜陵吟質温未遜連城璧氣潤先
知幾日霖只有子西知鈍體便應刻此當銘箴

贈脫帖木兒總管

將軍鐵馬擁瑯弓壯歲分符鎮越中山水多情留
賀監兒童拍手愛山公紫髯似戟君猶健白髮如
絲我已翁悅禮敦書殊不忝看君真有古人風

壽平章李韓公

瑞鍾光岳應時需日上天備手自扶八表同風開
壽域五雲異彩映台符經綸至治歸賢相陶冶斯
文屬大儒爲國白頭身未老掌中行見有明珠

鶴歸亭

仙去人間有故亭四山林竹鬱青青隱居真誥傳
千古玉局丹文役萬靈白鶴歸來人換世黃雲翔
集夜充庭步虛聲轉松風響思掬巖泉洗耳聽

老態

老態年來日日添黑花飛眼雪生髯扶衰每藉過

眉杖食肉先尋剔齒齧右臂拘攣巾不裹中腸慄
戚淚常淹移牀獨就南榮坐畏冷思親愛日簷

松雪齋詩集

松雪齋詩集

元趙孟頫 子昂甫 著

明潘是仁 訥叔甫輯校

五言排律

送張夢符郎中還朝

侍從班行近容謀出使頻乘輶山水國把酒湘江
春驄馬歌仍在祥麟德自馴大書真有法妙句不
無神愛士容踈放忘羊接隱淪回轅瞻斗極聽履
上星辰此別真堪惜茲情未易陳數公如見問爲

松雪齋詩集卷五

說混風塵

送董叅政赴召

丹極飛明詔鋒車召老臣
 仲舒經術邃賈誼謹言
 陳偃草懷殊俗安田慰遠人
 公心如皦日江國自
 熙春散亂堆牀帙蕭颺滿案塵
 詭隨吾不忍高卧
 理還伸入奏能回主當言
 莫愛身衮衣瞻望重
 丈席侍趨頻鈇槩工無益
 樵漁意已親白鷗波萬里
 浩蕩未能馴

投贈刑部尚書不 木公

青子何多士明公特妙年
 詩書師法在簪紱相門
 傳曳履星辰上分光日月邊

帝心知俊彥羣望屬英賢
 大木明堂器朱絲清廟
 絃吉人詞自寡君子德為先
 斷獄陰功厚優儒禮
 數偏我非天下士人謂地行仙
 山好雙游屐溪清
 一釣船賦詩時遣興好客恨無錢
 政尔韋編絕俄
 聞束帛弔風塵驅驛騎霜雪酒鞍韉
 別婦經春夏
 離鄉整四千家書愁展讀旅食困憂煎
 郎位蒙超
 擢官曹幸接聯屢聞哦鄙句信或有前緣
 知已誠

松雪齋五排律 卷五
難遇捫心益自怜樊中淹澤雉春晚怨啼鵲驥病
思豐草鴻冥羨遠天仁言如借便白首向林泉

送夾谷公分省陝西

憶從長楊獵于時始識公堂堂九尺翰落落萬夫
雄補袞彌縫密能書點畫工勞謙延士類豈弟到
兒童黃閣歸人望青雲有父風驅馳常扈從奏對
每留中暫輟尚書履榮分陝右弓秦山依畫錦燕
雪感秋蓬粉署趨承舊瀛洲忝竊同因公動鄉思
飛夢過江東

秋日即事

今日秋色好天高景不暄清飈動林薄涼意滿丘
樊俗客無因至幽禽時自言露濃金盞側香遠玉
簪繁誰辦東山妓空餘北海尊莫吟招隱賦桂樹
可攀援

題楊司農宅劉伯熙畫山水圖

移得山川勝坐來烟霧空窻中列遠岫堂上見青
楓岩樹參差綠林花掩冉紅鳥飛天路迥人去野
橋通村晚留遲日樓高納快風琴尊會仙侶凡杖

會兒僮疑聽孫登嘯將無顧愷同微茫看不足蕭
灑興難窮碧瓦開蓮宇丹樓聳竹宮亂泉鳴石上
孤嶼出江中藉甚丹青譽益知書畫功煩渠添釣
艇着我一漁翁

松雪齋詩集

元趙孟頫 子昂甫 著

明潘是仁 訥叔甫輯校

五言絕句

題秋山行旅圖

老樹葉似雨浮嵐翠欲流西風驢背客吟斷野橋
秋

題萱草蛺蝶圖

藜竹無端綠幽花特地妍飛來雙蛺蝶相對意悠

然

題米元暉山水

澄江漾旭日青嶂擁晴雲孤舟彼誰子應得離人羣

黃葵詞

仙掌鬱金衣朝陽風露晞可憐蜂與蝶祇解弄春暉

題太白酒船圖

載酒向何處稽山鏡水邊若為無賀老興盡便回

船

蕭酒稽山道風流賀季真相思不相見愁殺謫仙

人

題彥敬越山圖

越山隔濤江風起不可渡時於圖中看居然在烟霧

寄題真定明遠亭

未到新亭上先題明遠詩雲間歸鴈小山外夕陽遲

獨夜

秋風動林葉夜雨滴池荷孤客睡不着亂蛩鳴更多

天冠山題詠二十八首

龍口巖

峭石立四壁寒泉飛兩龍人間苦炎熱僊山已秋風

洗藥池

真人栖隱處洗藥有清池金丹要沐浴玉水自生

肥

煉丹井

丹成神仙去井冽寒泉食甘美無比倫華池咽玉液

長廊岩

脩岩如長廊下有流泉注山中古仙人步月自來去

金沙領

攀蘿緣石磴步上金沙領露下色熒熒月生光炯

炯

昇仙臺

仙臺高幾許時時覆雲氣
一去三千年令人每翹企

逍遙岩

茲願可逍遙下可坐百人
豈徒木石居真與猿鶴隣

靈湫

靈湫不受汗深淺何足計
小憩松竹鳴蕭蕭山雨

至

寒月泉

我嘗遊惠山泉味勝牛乳
夢想寒月泉携茶就泉煮

玉簾泉

飛泉如玉簾直下數千尺
新月橫簾鈎遙遙掛空碧

長生池

竹實鳳將至水清魚自行
著我草亭裏危坐學長

生

道人岩

道士本避世問之無姓字如何千載後石室有人至

雷公岩

雷公起臥龍為國作霖雨飛電掣金蛇其誰敢余侮

石人峰

巨靈長亘天何時化為石特立千萬年終古無人

識

學堂岩

仙人非癡人山中猶讀書嗟我廢學久聞此一長吁

老人峯

有石象老人宛然如繪素稽首禮南極蒼蒼在煙霧

月岩

月岩如偃月風泉洒晴雪仙境在人間真成兩奇

絕

鳳山

山鷄愛羽毛飲啄琪樹間照影寒潭靜翔集落花

閑

倦足岩

窈窕石屋間中有仙人躅說與牧羊兒慎勿傷吾

足

鬼谷岩

鬼谷岩前石唐文字字奇何當拂蒼蘚細讀老君

碑

風洞

石壁何空洞中有風冷然安知列御寇不向此中

仙

釣臺

仙者非有求坐石示投釣咄哉羊裘翁同名不同

調

礫潭

神龍或淵潛石洞通水府勿遣兒曹劇飛空作雷

雨

一線天

醯鷄舞甕中井蛙居坎底莫作一線看開眼九萬里

馨香領

山險通鳥道水深有蛟龍誰言仙樂鳴高人方耳聾

三山石

我有泉石癖甚愛山中居何當從羣公講學讀吾

書

五面石

洞中卽仙境洞口是桃源何殊武陵路鷄犬自成

村

小隱岩

林藪未爲隱僊厓猶可梯終當携家去瑤草正萋萋

玄洲十詠寄張貞居

菡山

結茆依菡山焚香候芝蓋真靈幸憫我冠佩時來
會

羅姑洞

翩翩十絕旛飄飄九疑仙洞口薜蘿長來降是何
年

霞架海

衆水會一壑天近發霞光晨興新沐竟睎髮向朝
陽

桐花源

伊誰植斯桐萋萋蒨蒨幽谷鳴鳳久不聞何當一來
宿

鶴臺

上有白鶴翔下有幽人居幽人道當成白鶴來不
虛

玄洲精舍

子有猿鶴想甘同麋鹿遊縣榻應待我分我半玄
洲

紫軒

公序齊五色
卷六
八
周

林君已僊去紫軒名尚存丹光時或現藥鼎夜常
温

火浣壇

真陽以解形四大何足靳指窮於為薪火傳不知
盡

玉像龕

我有紫虛像白玉雕琢成貢之華陽天萬年期降
靈

隱居松

真人昔住世所至樹以松當知千歲下遺子以
風

題仲賓竹

幽人夜不眠月吐窻炯炯起尋管城公奮髯寫清
影

此君有高節不與草木同蕭蕭三兩竿自足來清
風

題周秀才此山堂

青青雲外山炯炯松下石顧此山中人風神照松

已

英氣在襟袖清風拂絲桐悠然適天趣宴坐心融
融

曉起聞鶯

暑氣曉來清時時聞遠鶯還思故園路松下綠苔
生

六言絕句

題孤山放鶴圖

西湖清且漣漪扁舟時蕩晴暉處處青山獨往翩

翩白鶴迎歸

昔年曾到孤山蒼藤古木高寒想見先生風致畫
圖留與人看

題王子慶所藏大年墨鴈

鴻鴈栖栖遵渚黃蘆索索鳴秋羨殺承平公子筆
端萬里滄洲

松雪齋詩集

元趙孟頫 子昂甫 著

明潘是仁 訥叔甫輯校

七言絕句

初至都下卽事

海上春深柳色濃
蓬萊宮闕五雲中
半生落魄江
湖上今日釣天一夢同

盡日車塵馬足間
偶來臨水照愁顏
故鄉兄弟應
相憶同看溪南柳外山

松學齋七絕 卷七
送王月友歸杭州

社燕秋鴻各自飛
我來君去苦相違
西湖西畔梅如雪
應有親朋待子歸
雲本無心漫出山
歸來依舊與雲閑
何當從子東南去
掃地焚香晝掩關

清勝軒絕句

小草幽香動碧池
暖風晴日長新蕙
南窗書倚綠陰靜
聽盡行人過馬蹄

鄞南山中

山深草木自幽清
終日聞鶯不見鶯
好作束書歸隱計
寒驢來往聽泉聲

采桑曲

野雉朝雊雊且飛
誰家女兒采桑歸
欲折花枝插丫髻
還愁草露濕裳衣

次韻剛父卽事絕句

玉樹凋傷衆草黃
夜虫時語怨流光
美人望望隔秋水
不寄相思書一行
淒涼鼓角北風傳
嘈雜琵琶思遠天
白雪有誰知

幼眇翠蛾空自惜聯娟

蕭索山川樹影晞隴雲時逐鴈南飛苦無涿酒疇
佳節猶有黃花媚夕暉

溪頭月色白如沙近水樓臺一萬家誰向夜深吹
玉笛傷心莫聽後庭花

戲題僧惟堯墨梅

蕭洒孤山半樹春素衣惟造化緇塵何如澹月微
雲夜照影西湖自寫真

題范蠡五湖杜陵浣花

功名自古是危機誰似先生早拂衣好向五湖尋
一舸霜黃木葉鴈初飛
春色醺人苦不禁寒驢馱醉晚駸駸江花江草詩
千首老盡平生用世心

題蒼林疊岫圖

桑苧未成鴻漸隱丹青聊作虎頭癡久知圖畫非
兒戲到處雲山是我師
溪上先人之敝廬南山秀色照庭除何時共買扁
舟去看釣寒波縮項魚

送王子慶沼檄浙東收郡縣圖籍

水落江南天地秋
西風吹子過東州
試開圖籍尋佳處
便命舟車作勝遊

安道幽居寄剡源
蓬蒿蔚蔚長丘園
向來乘輿相尋意
何事空回不到門

愛古探奇亦可憐
錦囊玉軸不論錢
擬須跛馬江頭路
日日望君書畫船

九月八日雨中悶坐和答仇仁父張季野

客居破屋苦秋雨
黑潦侵堦竈欲沉
青蕊明朝不

堪摘誰能載酒慰幽心

杭州雨中

江南十日九風雨
花柳欲開無好春
却憶京城二三月
秋千風暖漲香塵

題秋胡戲妻圖

相逢桑下說黃金
料得秋胡用計深
不是別來渾未識
黃金聊試別來心

懷得清別業

谷口春殘黃鳥稀
辛夷花落杏花飛
始憐幽竹山

木犀香一系卷一
一
窗下不改清陰待我歸

過嚴子陵釣臺

富春山中有客星辭榮歸來意更真羊裘坐釣滄
波上却笑劉郎非故人
桐江水色映青山安穩行人掛布帆回首風沙鞍
馬裏不知此地是塵凡

部中暮歸寄周公謹

日莫空堦生白烟歸來羸馬不勝鞭明朝又逐雞
聲起辜負日高花影眠

絕句

春寒惻惻掩重門金烏香殘火尚溫燕子不來花
又落一庭風雨自黃昏

喜晴

久雨厭厭愁殺人晚晴猶得見青春急湏走馬西
湖路楊柳淡黃如麴塵

簡王搏霄乞夫容杏

杏花枝上紅千葉偏得春饒惱殺人早與折來供
一醉東風如此恐成塵

和韓君美二絕句

金山

江水西來接太空中流突兀湧鼇宮
妙高臺上一迴首看盡世途風浪中

蘇州

子胥死後已無臣中國由來漸屬秦
天下固知多美婦五湖元自有高人

題所畫梅竹贈石民瞻

故人贈我江南句飛盡梅花我未歸
欲寄相思無

別語一枝寒玉澹春暉

題所畫梅竹幽蘭水仙贈鶴臯

千樹瑤芳壓水湄西湖風月髣成絲
江南春色今何似賴有高人把一枝

蕭蕭葉帶雨聲寒裊裊枝搖月影殘
欲引九苞威鳳宿晴窻試寫翠琅玕

百草千花日夜新此君林下始知春
雖無令色如嬌女自有幽香似德人

翠袖盈盈不受扶天風縹緲降麻姑
便應從此東

吳去幾見蓬萊弱水枯

和黃景杜雪中卽事

燕雪常飛十月前
弊裘破帽過年年
擁爐自笑何爲者
欲買濁醪無一錢

雪寒淒切透書帷
極目南雲入望低
欲報平安無過鴈
忽驚殘夢有鳴鷄

君說江南苦未歸
香橙新酒蟹螯肥
何當與子扁舟去
共挽清溪流客衣

客裏相從意最親
高歌快飲見天真
明年去學潘

懷縣蒲縣栽花做好春

當年臨水照春衫
浮玉山前水似藍
歸計未成羈

思惡爲君飛夢到城南

題孫登長嘯圖

在澗幽人樂考槃
南山白石夜湯湯
空林無風萬籟寂
長嘯一聲山月寒

題羣仙壁

羣仙來會藥珠宮
花滿瓊山翠滿空
環珮珊珊五雲際
半夫鸞鶴舞春風

題茗溪絕句

自有天地有此溪泓渟百折淨無泥我居溪上塵
不到只疑家在青玻璃

偶成

茉莉花開小玉蓮香風引謁洞中仙夢迴不記相
逢語明月清圓在枕邊

